

# veà porotetani

ÉGLISE ÉVANGÉLIQUE  
de POLYNÉSIE FRANÇAISE  
Centre de Documentation  
PAPEETE - TAHITI



Mensuel de l'Église Évangélique de Polynésie Française - BP 113 Papeete -

1<sup>er</sup> FÉVRIER 1995 - N° 10

## édito

### Koinônia, âmutahira, communion

La semaine de Prière pour l'unité avait pour thème Koinônia, la communion en Dieu et entre nous. Un thème riche en défis et en perspectives pour cette année 1995.

En Bosnie les fusils ne se taisent pas, en Tchétchénie les chars écrasent le peuple, en Algérie en assasine, un peu partout dans le monde, nationalismes et intégrismes mènent une lutte atroce contre la paix. En métropole ce sont des milliers de sans-abris qui affrontent le froid, des millions de sans-emplois qui affrontent l'exclusion. Ici des enfants ont été meurtris dans leur chair. L'année 1994 a été douloureuse pour beaucoup.

"Le combat entre la lumière et les ténèbres fait partie de notre vie" nous dit Konrad Raiser, alors il nous faut relever les défis. Dans sa prédication de dédicace du temple de Mahaena, Jacques Ihora souligne que "Dieu est parmi nous (Emanuera) mais aussi Dieu est avec nous", ce qui à chaque instant nous donne le courage et nous permet de préparer l'avenir. C'est ce que l'Église fait tous les jours et le mois de décembre a été riche en inaugurations : collège, école, temple, trois bâtiments qui, chacun à leur manière, témoignent de la vie en Christ. De même en fêtant l'arrivée de l'Évangile le 5 mars, ce n'est pas l'anniversaire de la fin d'un événement qui nous rassemble mais le début, une marche sans limite.

En tous lieux, avec tous, c'est à la communion à laquelle nous sommes appelés, un partage sans exclusion, sans ménager nos efforts. "Ainsi, mes frères bien-aimés, soyez fermes, inébranlables, faites sans cesse des progrès dans l'oeuvre du Seigneur : sachant que votre peine n'est pas vaine dans le Seigneur". (1 Corinthiens 15/58)



## Te âmutahira

Te âmutahira i roto i te Atua e te âmutahira i rotopû ia tâtou iho, o te tumu parau ia no te hepetoma pure no te hoëraa no te mau teretitiāno o te ao nei, o tei orahia mai e tâtou i te ômuaraa no teie nei matahiti 1995, o ta tâtou e haere atu nei.

I te fenua "BOSNIE" te faaroo noa hia nei ā te haruru pupuhi, i te fenua "Tchétchénie" te faaū nei te mau pereoo paūri i te nunaa, i te fenua Aretia te ūana noa ra ā te taparahira taata, e āti āc teie nei ao, te tupu nei te mau faahuehueraa e te mau hamani inoraa o te haafifi ra i te tupuraa no te hau.

I te fenua Farani, e rave rahi tauatini mau taata e aita e nohoraa o teie e faaruru nei i te toëtoë, e tau mirioni hoi feia e aita e ôhipa teie e fifi nei e ôre e haapaōha nei. I o tâtou nei, e rave rahi mau tamariti o tei hamani Inohia e tei haamauūhīa. Ua riro mau te matahiti 1994, e matahiti fifi, peāpeā e te mau iui no tâtou e no te te ao atoa nei.

O te taata rā o Konrad Raiser (papai parau rahi no te taatira no te mau Etāretia o te ao nei), o tei parau e : "I roto i to tātou oraraa, te tupu nei ia te āaroraa i rotopû i te maramarama e te pouri". No reira, e tiā roa ai la tātou ia ara e ia vai incine noa i mua i te reira. E i roto i ta na faaitōto-raa i te mahana tomoraa i te Fare pure no Mahaena, te faahiti rā te peretitini IHORA e tei rotopû te Atua ia tātou (Emanuera) e tātou e te Atua i roto i to tātou tere, e na te reira e horoā la tātou i te itoito e te tiaturiraa no te mau tau amuri āc. O te ôhipa ia e orahia ra e te Etāretia i te mau mahana tataitahi. E ua riro te mau ôroā tomoraa fare (fare haapilraa, fare pure no te avaē Titema ra), e hohoa e e faaiteraa atoa i te huru no te tātou tiaturiraa i to tātou Fatu ia letu-Metia. E na roto atoa i te ôroā haamanaōraa i to te Evaneria taeraa mai (5 no Mati), e ere noa ia i te haamanaōraa i te hoē ôhipa o tei tupu na, o te hoē atoa ra tere ôtiā ôre teie o ta tātou paatoā e haamata nei e e iriti nei i mua ia tātou. No reira, te tiaturiraa nei tātou, i te mau talme atoa e i te mau vahi atoa ia ora i roto i te âmutahira mā te ôre e pipiri i ta tātou mau horoā e to tātou atoa pua. "E teie nei, e au mau taeā here e, ia itoito outou, eiaha e aueue, ia rahi ā te rave i te ôhipa a te Fatu, eiaha e faaea, ua ite hoi outou e, eere i te mea faufaa ôre te ôhipa a te Fatu ta outou e rave na." (I Torinetia 15/58)

GILLES MARSAUCHE

## POROI FAATAU AROHA NO TE MATAHITI 1995



Accompagner les jeunes avec amour. Photo : Daniel Margueron

E hoa here mā e.

Ia parau anaē tātou e, "Ia ora na e ia oaoa tātou i te matahiti api 1995", te hinaaro ra ia tātou i te haapapū na reira i to tātou hinaā-ro-ore ia riro faahou te matahiti api e haere mai nei, e hohoa tapiti no te matahiti 1994. I haerehia mai e tātou e o te fatata nei i te mairi i muri ia tātou.

### NO TE APEERAA

I teie matahiti 1994 i orahia mai e tātou, ua faahiti-pinepine-hia te parau no te mau tamariti i hamani-Inohia i roto i to ratou iho mau oraraa utuafare... I te matahiti 1995, te hinaaro nei au ia ore "taua mau huru peu ra" ia tupu faahou i niā i te mau tamariti e ia riro mau te mau metua, i roto i te oraraa utuafare, mai te opū o te metua vahine i farii ia ratou, i amo e i pohere i to ratou tupuraa mai te haamataraa e tae noa atura i te mahana i fā mai ai ratou i te ao nei. Ia riro mau te utuafare e vai e ite ai te tamariti i te here, i te maitai e i te oaoa. Ia ara e ia iho faahou, i roto i te feia metua, te hiroā o te metua, e metua tane e e metua vahine, titauhia e te tiaturiraa e te Atua e mauhaa, no te faatupu i te ora o te tamariti, eiaha rā i to ratou atū!

I teie matahiti 1994 i orahia mai e tātou, ua faahiti-pinepine-atoa-hia te parau no "te mai SIDA" e farerei-atoa-hia ra e te feia api o to tātou fenua e o tei riro e mau iuraa e e otora na tātou. I te matahiti 1995 e fā mai nei, te hinaaro nei au ia ite te feia api i roto i te parau no "te haapao-maitai-raa" o ta te Evaneria e poroi nei i te taatoaraa, i te vehi paruru papū mata-mua roa i pihai iho i te mau raveā paruru atoa e vai ra, no te arairaa i taua mai ra. Te hinaaro nei au e, ia riro te matahiti api 1995, e matahiti e ite ai te feia api e, e tuhaa atoa ta ratou iho i roto i te parau no te aroraa i teie mai oia hoi te faarooraa e te tiaturiraa i te mau poroiraa atoa no te here e horoā-noa-hia ra ia ratou!

I teie matahiti o ta tātou i ratere mai, ua faahiti pinepine-atoa-hia te parau no te fanau-rahi-raa i te tamariti, e tiā ai ia horoāhia te tiāmāraa i te mau tamariti tamahine i raro mai i te 18 o te matahiti, te faahipararaa i te mau raveā e vai nei no te parururaa ia ratou i mua i te parau no te fanau-oiol-raa i te

tamariti! I te matahiti 1995 o ta tātou e fatata atu nei i te tomo, te hinaaro nei au ia haamanao ta tātou feia api, te tamariti tamahine e te tamariti tamaroa e, te mau raveā e vai ra i teie mahana, e mau raveā ia, eiaha o tei patoi i to ratou hinaarora i te tamariti, o tei paruru rā i te taeraa mai o te tamariti i ore i tialhīa... Te hinaaro nei au e, ia riro te matahiti 1995, i mua i teie parau, e matahiti e haamanao atoa ai te feia metua e, noa atu te faaitira o ta ratou e rave, te fariraa e aore ia te faril-ore-raa i teie mau raveā, ia faaitai ratou na reira i to ratou here i ta ratou mau tamariti e i to ratou hinaaro ia oaoa ta ratou mau tamariti e te mau tamariti a ta ratou mau tamariti i teie mahana e ananahi.

I teie matahiti 1994 o ta tātou i haere mai, i farerei tamau atoa na tātou i te mau faaeeraa-ohipa tei haafifi e tei faore i te oraraa hau o te nunaa... I te matahiti 1995, te hinaaro nei au e, ia ore taua mau huru ohipa ra ia tupu faahou i niā i te nunaa e ia riro te nunaa e manaōnaōraa hoē roa na te feia atoa i pūpūhia ia ratou, no te hoē area talme, te mana tavini e tiā ai ia ratou ia aurora i te tiāraa mana o te taata, e noaa ai i te feia aore e ohipa te hoē ohipa e i te feia e parahi ra i roto i te raval-ore o te oraraa te tauturu e tial-noa-hia ra e ratou...

### NO TE OPERERAA

I teie matahiti 1994, i roto i teie nei ao i horoāhia mai e te Atua e nohoraa no tātou, te tupu noa nei ā te mau aroraa tei vavahi i te oraraa utuafare, tei faatupu i te oto, i te auē e... i te pohe i terā e i terā vahi o te ao nei... No te matahiti 1995, te hinaaro nei au ia itehia te hau i hinaarohia e te mau veā-tono a te Atua i te pō no te Noera matamua roa, ia haamanao te mau faatere atoa o te nunaa, no te hoē ohipa o te faatupu i te maitai i titauhia ai ratou ia riro.

Te hinaaro nei au i te moemoē e, i pihai iho i te mau opuaraa atoa i tapaohia no te matahiti 1995, te vai atoa ra te mau tataūraa no te fenua manaōnaō roa e i te parau no te hau, no te hoē nunaa ite roa e i te faahou i te parau no te haehaa, no te hoē faatereraa hau fenua ite roa e i te here i te nunaa e no te hoē fenua ite roa e i te faatura i te parau no te rauraa...

I teie matahiti 1994 i haerehia mai e tātou, ua ite-atoa-hia to te mau faaroo atoa e vai nei, ohiparaa eiaha no te faaitai e te Evaneria oia hoi i te hoē parau api tei faatupu i te oaoa i roto i te oraraa utuafare e tei haapaari i te tuātiraa i rotopû i te mau taata teretitiano atoa, i te hoē rā parau tei faatupu i te peāpeā e i te amahamaharaa i roto i te oraraa utuafare e o tei tapû i te taura no te autaeāraa i rotopû i te mau taata teretitiano... I te matahiti 1995, te hinaaro nei au ia ore te mau faaroo atoa ia riro faahou e mauhaa no te faatupuraa i te au-ore, i te amahamaha e i te peāpeā, e mauhaa rā no te tapeāraa i te hoēraa no te here i faatupuraa e te Metia i te anotau o to na parahi-tino-roa-raa mai i niā i te fenua nei.

### NO TE FAATERAA

O ta ū atoa ia e hinaaro nei ia itea i roto i te Oroā lupiri no te 200 raa o te matahiti o to te Evaneria taeraa mai i Patitifa nei, o te apitihia mai e te Apooraa Amui a te mau Etāretia no Patitifa, ia parauhia tātou i te nunaa ite i te faatura i te parau no te rauraa o te tiaturiraa o tei heheue mai i te Metia e faaora hoē roa no te taata e i te here ia vētahi e mai te Atua i here mai i to te ao nei.

Aita rā vau e hinaaro nei i te haamoē ia na oia hoi i te Fatu tei hinaaro, hau atu ia tātou e mai te haamataraa mai ā o teie nei ao, i to tātou ora e i to tātou maitai.

E tiā roa ia tātou ia faatae i te hoē mau poroi faatau-aroha no te matahiti api e tiā mai ra i mua ia tātou, eiaha rā ia moēhia ia tātou e, eita taua mau poroiraa ra e tupu noa mai te peu e, aita tātou iho i faariro atoa ia tātou e mauhaa no te faatupuraa i taua mau poroiraa ra...

No reira, teie nei mau poroiraa i tātou, te pūpū nei au i mua i te aro no te Atua ia nehenehe te matahiti 1995 e tomohia atu nei e tātou, na roto ā i ta na tauturu, ia riro e matahiti maitai no tātou paatoa i taehia e teie nei mau poroiraa, i te vahi tei reira tātou e noa atu e o vai tātou e to tātou tiāraa...

Ia ora na i teie Noera e i te matahiti Api e fā mai nei, i te here otiā-ore o te Atua!

TE PERETITINI,  
JACQUES IHORA